

UMIWAKA 2010

INOMERO YUZUYE Y'UMUNYESHURI

Intara/Umujiyi

--	--

Akarere

--	--

Umurenge

--	--

Ishuri

--	--

Umunyeshuri

--	--	--

AMAZINA Y'UMUNYESHURI

IZINA RYAWE BWITE: _____

ANDI MAZINA YAWE: _____

INOMERO Y'UMUNYESHURI N'AMAZINA YE BIGOMBA KUGARAGARA NK'UKO BYANDITSWE
KURI "REGISTRATION FORM"

IKIZAMINI CY'IKINYARWANDA UMIWAKA WA GATANDATU 2010

Igihe kimara: amasaha abiri

UMWANDIKO: IZUBA

Iyo tugiye hanze, mu gitondo kare, haramutse umucyo, tugahagarara ahirengeye, tukareba iburasirazuba, tubona ikintu kimeze nk'ukwezi kw'inzora, gifite ibara ry'umuhondo ukeye cyane. Icyo kintu tubona mu mpezajisho, gisa n'igifatanye n'ijuru, kiba gikikijwe n'ibara rijya gusa n'icyatsi kibisi. Icyo kintu ni izuba riba rigiye kurasa. Uko igihe kigenda cyicuma, ni ko izuba rigenda ryitatura isi, tukabona risa n'irigenda mu kirere.

Aho izuba rirasira bahita iburasirazuba aho rirengera bakahita iburengerazuba. Iyo urambuye amaboko, ukw'iburyo ukakwerekeza aho rirasira, imbere yawe bahita amajyaruguru, inyuma yawe bahita amajyepfo.

Mu gitondo, imirasire y'izuba ituruka iburasirazuba, ugasanga igicucu cy'ibantu ari kirekire cyane, kandi giherereye iburengerazuba. Uko igihe kigenda, ni ko n'uburebure bw'igicucu bugenda bugabanuka.

Nyuma y'amanywa y'ihangu, igicucu cyongera kuba kirekire, kugeza igihe usanga gifite uburebure bureshya n'ubwo cyari gifite izuba rikirasa. Ubwo haba ari nimugoroba izuba rijya kurenga.

Abahaha mu bumenyi bw'ikirere bavuga ko izuba ari umubumbabumbe, ukaruta isi ubunini incuro nyinshi; bavuga kandi ko ritava aho riri ahubwo ko isi ari yo iryikaraga imbere, irizenguruka. Izuba riri kure y'isi cyane, ni yo mpamvu tubona ari ritoya cyane, tukibwira ko isi iriruta ubunini.

Iyo uruhande rumwe rw'isi rwikaraga imbere y'izuba urundi ruba mu mwijima, ari byo twita ijoro. Nguko uko umunsi ubisikana n'ijoro.

Izuba rifite akamaro karini: riratumurikiza, riradushyushya, ryumisha ibyo twanitse, ryica udukoko dutera indwara, iyo rifatanye n'imvura rikuza ibyo duhinga rikabyeza. Abahaha bavuga ko mu mirase yaryo harimo utuntu dutunga umubiri ukamererwa neza. Izuba ni umubumbe w'umuriro, nta kiwushyigikiye, nta kiwufashe, nta cyo unaganaho, nta cyo uteretseho ufashwe n'ububasha bw'Imana gusa.

IGICE CYA MBERE: UMWANDIKO N'IMITTERERE Y'URURIMI

(A). KUMVA UMWANDIKO (16)

1. Izuba rigiye kurasa riba rimeze rite? (3)

2. Andkika ibyerekezo bine bivugwa mu mwandiko (2)

3. Izuba n'isi ikinini ni ki? (1)

4. Kuki tubona izuba ari rito cyane? (1)

5. Ukurikije umwandiko, ari izuba ari n'isi ni iki kikaraga? (1)

6. Izuba riteye rite? (1)

7. Izuba rifashwe n'iki? (1)

8. Ni ryari usanga igicucu cy'ibintu cyabaye kirekire cyane? (2)

Ni ryari kiba kigufi cyane? (2)

9. Subiza yego cyangwa oya. (4)

i. Izuba rikuza ibyo duhinga rikabyeza _____

ii. Izuba ni umubumbe ufashwe n'isi _____

iii. Izuba ntirigenda mu kirere _____

iv. Izuba rifashwe ku ijuru _____

II. INYUNGURAMAGAMBO (14)

10. Uzurisha buri nteruro ijambo cyangwa amagambo uhisemo muri aya: (7)

Igicucu, ukwezi kw'inzora, izuba, impezajisho, yicuma, umucyo, umwijima, imvura.

(a). Ku mugoroba, uko amasaha _____ ni ko _____

ugenda usimbura _____.

(b). _____ cy'umuntu kiba kirekire mu gitondo.

(c). Igihe cy' _____ abantu barira hanze.

(d). Igihe kiba cyiza ku myaka iyo _____ isimburana _____.

11. Andika imbusane z'amagambo akurikira (4)

- i. amanywa y'ihangu: _____
- ii. umwijima: _____
- iii. abahanga: _____
- iv. kurasa (kw'izuba): _____

12. Andika impuzanyito z'amagambo akurikira (3)

- i. inzarwe: _____
- ii. Kwikurunga: _____
- iii. Kubisikana: _____

III. UBUMENYI RUSANGE BW'URURIMI (6)

13. Andika imigani ibiri y'imigenurano yumwvisha ingaruka mbi ku mwana wanze kumvira ababyeyi.

14. Subiza ibisakuzo bikurikira (4)

- i. Havamo umwe ntitwarya: _____
- ii. Icwende ryanje ribaye kure mba ngukoreyemo: _____
- iii. Intara za Nyirabangana zingana zose: _____
- iv. Nyiramakaraza ngo mutahe: _____

III. IKIBONEZAMVUGO (29)

15. Andika ubwoko bw'amagambo aciyeho akarongo: (6)

- (a). Ibara ry'icyatsi (i) kibisi (ii) riba rikikije izuba. (i) _____
(ii) _____
- (b). Izuba rifataniye n'imvura rikuza ibyo duhinga _____
- (c). Izuba riba risa nirigenda mu kirere _____
- (d). Twibwira ko isi iruta izuba ubunini _____
- (e). Wa mwana namubonye _____

16. Andika ibinyazina biri mu gika cya mbere cy'umwandiko, hanyuma uvuge ubwoko bwabyo.

17. Andika amazina ava kuri izi nshinga: (5)

- Kurasa (izuba) _____
- Kurenga (izuba) _____
- Kwijima _____
- Kumurika _____
- Guishyuha _____

18. Andika imimaro y'amagambo agize iyi nteruro (3)

Izba rifite akamaro

19. Andika inteko z'aya magambo (6)

- i. izuba: _____
- ii. akamaro: _____
- iii. imana: _____
- iv. igihe: _____
- v. amanywa: _____
- vi. umunsi: _____

20. Garagaza uturemajambo tw'amazina n'amategeko y'igenamajwi yubahirijwe. (6)

- i. Ukwazi: _____
- ii. Imyenda: _____
- iii. Imbeba: _____

IV. UBUTINDE N'AMASAKU (10)

21(a). Garagaza ubutinde n'amasaku by'amagambo akurikira. (4)

- i. Umutima: _____
- ii. Ituro: _____
- iii. Umwete: _____
- iv. Urugwiro: _____

(b). Mu rutonde rw'aya magambo: "impano, imanza, inama, urwabya, ingamba, urwego," ni ayahe ahuje amasaku n'ubutinde n'amagambo akurikira? (6)

- i. umwana: _____
- ii. umwami: _____

V. IMYANDIKIRE Y'IKINYANYARWANDA (10)

22(a). Andika neza interuro zanditse nabi. (6)

- i. Umuryango mpuza-mahanga _____
- ii. Yageze i muhira ni joro _____
- iii. Mbega ukuntu abeshya? _____
- iv. Ni we mwungeri yagiye kwiga _____
- v. Nyira Mana akunda ababyeyi be _____
- vi. Ntawe ujyayo _____

(b). Andika amazina y'utu twatuzo hanyuma utange urugero rw'interuro yerekana uko dukoreshwa. (4)

(i). ! _____
Interuro _____

(ii). , _____
Interuro _____

(iii). . _____
Interuro _____

(iv). ? _____
Interuro _____

IGICE CYA KABIRI: IHIMBAMWANDIKO (15)

23. Urangije amashuri abanza, uritegura kujya mu mashuri yisumbuye. Andikira umuvandimwe wawe, cyangwa umubyeyi wawe se cyangwa undi wishyikiraho, umusaba kugufasha aguha ibikoresho by'ishuri wakenera.

Amazina yawe abe *IshimwePasiyanse* wigaga ku kigo cy'amashuri abanza cya Kagano.